



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Sanctorvm Ord. S. Benedicti

Stengel, Carl

[Ort nicht ermittelt], M.DC.XXV

XXII. Septembris. S. Emmerammvs.

urn:nbn:de:hbz:466:1-38356

S E M M E R A M M V S Pictonum vrbe Augustoritum in Aquitaniâ oriundus, literis sacris, & disciplinâ Christi à puero domi eruditus, vbi adoleuit, Hunnos in Pannoniis ad Christi sacra conatus est adducere. Delatus in Boicam Reginoburgum, incidit in optimum principem Theodonem, qui illum omni ratione cæpit retinere, & persuasit, vt in Boicâ rem Christianam adiuuaret. Emmerammum præ Ducis verbis res ipsa mouit, recentes in Christianâ fide Boii, à simulachrorum cultu vix temperabant, maiores præsertim natu. Hos plerosq; omnes emendauit sanctitas & virtus E M M E R A M M I qui totum triennium in Agro Boico excolendo posuit. Cùm post diuino spiritu afflatus, iter Romam religionis nomine adornaret, Vt Theodonis filia, ex Sigibaldo primariæ nobilitatis iuvene ventrem ferens, (neq; res diutius celari poterat) Emmerammum, de discessu cogitantem, supplices adeunt, & ad pedes abiecti, opem miserandum in modum implorant. Episcopi animam adolescentum miseratio subiit, grauiter increpitis, criminis in se transferendi potestatem facit, ipse viam ingreditur. Trium dierum iter progressus, nullâ manifestâ de causa expectabundus substitit, mirantibus comitibus. Vt interim stuprum falsa ipsi imputauerat. Pater iratus, bonis exutam in Italiam exulatum mittit. Lambertus frater E M M E R A M M V M citato cursu insequitur, & vt Helfendori substiteret, breui assequutus, statis tertiæ horæ precibus, ante sacras reliquias lucernis ardentibus, vna cum clericis vacantem reperit. Mox productum acerbè irridens, Salue, inquit, Episcope, salue affinis: simulq; scipione quem manu gestabat, in astantis pectus ferociter impacto, satellitibus excarnificandum tradit. Per omnia membra sæuitum, oculi eruti, lingua, aures, nares, manus pedesq;, & quæ honestè nominari non possunt amputata, nullo interim lethali vulnere, quo mortem inter summos dolores in longum traherent. Ipse Deum laudibus & precibus continenter venerans, de curru depositus exspirauit, immensæ simul lucis splendore perfusus, quæ morentis ore progressa, & rectâ in cælum lata, spectantium oculos in fulminis morem perstrinxit. Accidit XXII.

Sept. A. C. DCLII. *Ex vita & lib. 4. rer. Boic. Vels. & in Congesto virorum illustrium Ord. S. Ben. eidem religioni ascriptus.*



S. EMMERAMMVS EPISC. M. ORD. S. BEN.
*Brachia miraris truncata, & crura! alias.
 Noxas fraternus pendere iussit amor.*

XXIII. SEP.

Handwritten notes in red ink on the right edge of the page, including the word "Bened" and the Roman numeral "III".

Partial text from the left page, including words like "furn", "euit", "Boi", "um", "ua", "ian", "atu", "um", "tus", "aldo", "rat", "edi", "um", "n fa", "de", "um", "ttit", "orfi", "uias", "cer", "anu", "ra", "pe", "hali", "um", "im", "à in", "KII."

4-